

明活字本雪磯叢稿五卷

安樂堂滄喜齋藏書
來燕榭珍借記



重刻特科狀元雪礪先生詩集序

雪礪先生宋理宗朝特科狀元春陵人也其後嗣
詔來教戎庠出其所著詩稿及所對策示予且屬
爲序夫詩言之成章者也必其志之正氣之完學
之粹然後發于言而成章雄渾和暢清新奇古可
以傳之當時垂諸永久觀雪礪先生詩可見矣先
生敷策宋廷有曰求天下之士以文不若叔天下
之士以道曰秉正直之氣節則發忠鯁之言議曰
詞賦不本乎理致日以雕鐫經義不求其指歸曰
以穿鑿此數言者其志之正氣之完學之粹豈不

槩可見乎故其聲于詩雄渾而無萎蕸之弊和暢而無乖踈之失清新而出乎蕪陋奇古而脫乎凡鄙可謂能詩也已然其自序云蚤歲雕鏤纂組溺志詞章既而悔之方將鞭僻近裏以進聖賢之學其敢以詩傳哉則先生涵養之純進修之篤過人也遠矣又豈泛泛駕高談騁浮詞者之比乎稿凡百五十餘篇其在當時友人羅季海胡雪江朱嗣賢何堯卿輩皆爲刻梓世變既遠湮晦寢多第其後世奕葉簪纓故得以傳之不替也今韶再加編次故爲題首簡使觀者有所徵也先生諱雷發字

聲遠雪磯其號云

時

正統丙寅五月既望

賜進士及第禮部尚書前翰林院修撰西川周洪謨序

雪磯叢彙序

僕非能詩者而亦好作詩蚤遊諸老之門或謂可
與言詩比歲渝江羅季海西湖胡雪江間亦採而
刊之然傳錄失真甚則雜以他人之作以魚目而
混驪珠僕得盜名之譏矣其可乎前歲歸自京師
繼懼憂患蓋不復言詩也嘗得李抑菽書必欲爲
之刻梓取嘗謝之繼而友人朱嗣賢何堯卿捐泉
市梓又有請焉辭之再四而請益堅余詩本無可
傳而諸賢之軫念者如此僕不得辭矣切念蚤歲
雕鏤纂組溺忘詞章旣而悔之方將鞭僻近裏以



進聖賢之學其敢以詩傳哉古今言詩莫尚于老
杜嘗有詩曰文章一小技於道爲未尊僕果能詩
猶犯老杜之戒况不能詩乎知道者當亮僕之心
而有以教之可也

時

寶祐丁巳朔樂雷發書

雪磯叢彙卷之一

宋寶祐癸丑特科狀元樂雷發

撰

後嗣教諭樂詔

編集

知縣樂武 校正

歌行

九疑紫霞洞歌

猗歟奇哉紫霞之洞真天開千變萬狀不可述恍疑幻
出壺中之蓬萊湘濱兩姝不敢到悵望蒼梧雲縹緲爾
來三千三百年班龍空卧金光草我採姹女江華濱是
爲三十六帝之外臣右持綠玉杖左携紫金經長歌天

上謠一呼開仙扃列炬照深窈懸身事幽討群仙喜我
來驚笑欲絕倒何侯撫我頂偉遠拍我肩緣華贈我金
條脫明期分我紅景丹借問此何地指言太虛天翠霞
紫雲張寶幄懸黎結綠盤瓊瑤萬壘蒼苔荒石田誰呼
青龍耕紫烟虎嶽銅壻未遍識擬開寶藏紬雲笈峩峩
水際披蓑翁應是錢鏗釣神龍仙人仙何多事驚世
駭俗變靈異或跣距足垂天雲或印短趾流沙潯或現
姑射虜子身粉霞紅綬藕絲裙或示普陀大士形或持
簪柳垂寶瓔或插鏤象管或結火齋珍或琢玄圃玉或
布祗園金洞中之深不知幾百里但見縈紆屈折一聖

一澗水人言有路通桂林乘興欲尋日華君吾聞洞中
大小洞天三十六帝遣列真分治局上界官府應更多
定知此洞今誰屬猗歟奇哉紫霞之洞真天開我上會
稽探禹穴復浮滄海登天台巖谷豈無奇跡此何塵埃
摩抄崖右題惡句記我杖屨敲雲來黃潛翁元漫叟日
力一生空宇宙澹巖陽華有何奇枉費篇章剗石竇

烏鳥歌

莫莫讀書莫讀書惠施五車今何如請君爲我焚却離
騷賦我亦爲君擘碎太極圖急來相就飲斗酒聽我仰
天呼烏鳥深衣大帶講唐虞不如長纓繫單于吮豪擯

管賦子虛不如快鞭躍的盧君不見前年賊兵破巴渝
今年賊兵屠成都風塵頽洞兮豺虎塞途殺人如麻兮
流血成湖眉山書院嘶哨馬浣草花堂巢妖狐何人答
中行何人縛可汗何人丸泥封函谷何人三箭定天山
大尉若箕兮高劔柱頤朝談回軻兮夕講謙伊綬若若
定印纍纍九州博大方君今何之有金須碎作僕姑有
鐵須銑作蒺藜我當贈君以湛盧青萍之劔君當報我
以太乙白鵲之旗好殺賊奴取金印何用區區章句為
死諸葛兮能走仲達非孔子兮孰却萊夷噫歌烏烏兮
使我心不怡莫讀書成書癡

寄雪蓬姚使君

贈君昆吾湛盧之寶劔青雀黃龍之巨航懸黎垂棘之
美玉都梁篤耨之名香佳人佳人在何處濯足洞庭望
八荒攜車馱屨辟芷綠欲往從之道阻長倚寶劔兮翼
軫膠巨航兮沅湘玉以彰君子潔身之德香以表騷人
流世之芳我所思兮隔秋水天吳翕忽蛟螭翔佳人佳
人蹇誰與愛而不見心盡傷

胡料院出示車攻圖仍索俚作

九壤卧龍呼不起乳臭談兵空滿耳書生未識玉帳經
且抱此圖寃終始姬家出車詠贏家小戎詩衛家武剛

杆突騎馬家偏廂是羗夷只今車陣無人識天狗橫空
矚腥血胡人以鞍馬爲家誰遇奔衝展奇策豫章先生
今孔明胷中森羅萬甲兵天衡地軸妙絕識內陣外陣
何縱橫千枝綠沉列虓虎萬臂黃間張白羽人言險野
難用車公獨規模掩前古車攻圖車攻說八采眉前曾
進徹世人苦謗陳濤斜却向齊門空鼓瑟今朝朱轡富
川頭絕江以北瞻神州李剛政要講車戰南渡勲業應
可收涇水黃鐵山碎雙輪快展幽燕地朗誦先王復古
篇他時此筆猶能繼

壺中天歌贈候明父

蓋頭即可居容膝即可安連雲大厦千萬間何如壺
中宇宙寬壺中何所有筆牀茶竈葫蘆酒壺中何所
爲翔飛鴻揮園絲牖前祝融老僧竹壁上九疑狂客
詩壺中主人知爲誰談棗仙伯雪鶴安左攬玄微袂
笑移砥柱弄河水右拍長房有飽飡麟脯傾玉船蓬
萊山在何處勸君且占壺中住不曾在金馬門也
應不識崖州路探禹穴浮沉湘脚下塵土鬢上霜我
到壺中如故鄉

謝楊孟溪縣丞惠以章墨

白首侯芭蜀江邊曾向君家傳太玄射熊草賦留殘

墨相應當日還渠得飄零蕭洒幾世孫解得膠法春
玄雲物理往來元莫測後世子雲還舊壁君家所有
更贈君君還贈我何慙慙感君慙慙復三歎努力西
磨鐵硯太玄難深吾不為願寫誠齊易傳探玄机

佳人兩章寄許東溪

衡之山鬱蒼蒼我有佳人在山之陽木難為佩兮雲
錦為裳愛而不見兮我心憂傷安得為鷗鵬凌風置
君傍衡之山鬱蒼蒼衡之江清且漪我有佳人在江
之湄朝飡鉛霜兮夕饌江蘺欲往從之兮我馬虺隤
安得為琴高泐波與君隨衡之江清且漪

古體

登瀛溪太極樓

岑樓跨層崖灌木翳頽沼曠哉宇宙心况兹展遐眺前
哲日以遠川麓被文藻芳甸馥蒼蘅狂渚雜鳧鳥亭亭
沼中蓮冉冉庭下草扣寂參太極撫化頓衆妙俗薄
神理乖力柔聖途杳英英考亭翁反心會天奧萬理
繁良言一誠貫元造曷哉登樓人畢景及此道深根
復深根篤行以為寶

送程營道官滿赴闕

高旻振爽籟蒼鴈鳴芳洲傾城餞茂宰鄉臺羅藻舟茂

宰蘊淵道厥源沂伊派子昨振仁策範俗悖聖猷夷
心灼理要政簡吏統周芳風被儒肆惠術淪農疇魯
封有馴翟張廷無訟牛慚茲戒徂兩離表鬱綢繆贈我
茂叔蓮紉君晏子爽慶霄際鳳躍神圖瞻麟遊世道日
以隘氏瘼誰克瘳厲志抗遐業吹萬溥九州揆余忝
皇鑒敷文勉征愁行行重行行夷夷無駐舟

次韻李監丞月夕閔雨

穰穰旱欲稿蒺藜秋向榮
匠軫民瘵慟此夜寃明
歲收正揪斂肥遺何縱橫
仰霄際蟾曜聆埳佇鶴鳴
彼美玩華光芳罇酌蘭生
崇樹歌窈窕秀質羅輜輶

節序孰不歡宅生念匪輕
同胞正焦燈對酒何忍傾
恤喜限昏智同茲感陰晴
淪上山雲起策策林鷗驚
企彼天飄潤弭此農操聲
崇情發翰墨賞心謝籌觥
溥澤乃夙念寄爵豈所營
榮賤有異分感茲反蔽耕

次韻李監丞城西紀遊

叫舜問霖濶詠蕙條塵蹠駕
言城西遊慨彼徃哲遙
儀鳳不可呼駕鵝浴清瀟
悵或光風杳蕙若吹涼颺
蒼梧隴雲愁廬阜太彫豈
無人希周亦有文規姚佻
畢末學陋俗溥神理銷沿
流浮伊洛沂源窺羲堯執
中與太極萬古瞻魁杓祭
微篤強力賢聖諒匪遼舜

官翳灌木瀟塾棲叢若觀乎紀遊作悟彼進學條蘭卮
娛才彥豈謂磊砢澆淨深清賞愜理勝英藻超揆予
果何爲農野勤畊穠景迫昧見道曷奉德化昭

次韻李監丞同劉王淵遊七泉

世變如流水前哲嗟逝川良牧隆化本訪古漫叟泉
念茲名泉意感彼末俗偏淵竇與嵌臼杖履聊回旋
不識漫叟心曷誦漫叟篇惻念軫蒼氓溥澤同一天
蟻聚與羔跪命義當益堅回邪乃敗德毋以已欲專
夸士五鼎辱尊爵或自鑄臨流歎澆風薄言傾酒船
浸泉旌吾志凍泉存舊傳瀘淞淳汙道銘石昭萬

年無 感發人黜指敲墨甑歲月亦云久古迹埋塵
煙泉根石已泐泉上樹欲仙森戟呵虎士誰能聽潺湲
理義著古今貴賤俱荒阡今公已泉遊陵谷尚未迂
勵俗振古道及茲誦惡圓劉侯同襟期賡唱揮彩椽漫
叟或有知騎鯨躍層淵彼執賊君父圓曲工求權厲民
恣屠斲巧宦勒攀緣安得激七泉布作化雨宣

送綱齋李監丞赴湖南提舉

吏統久已紊使選匪易爲蝎虺何慕七鴻鴈何纍纍持
節豈不多曠職苟所私緬懷紫陽翁替使東浙湄陳
臬糾官邪揚仁蘇民疲茲道有先後哲儒昭令規綱

齋宅蕭牧邦懋灼帝知厲廉肅家寮反稅驩鄉耆所學
蘊淵道寬嚴權理宜茲總全楚境歌此皇華詩位窮民
言邈壤廣吏蠹滋問俗職所重簡僚乃政基視聽貴遠
周細微在可遺攬轡戒前路豈為好爵縻獎予忝英盼
懷德念別離別離果何念康濟乃所期懿茲遠大業
肇此咨度時勗哉振英采慰我湘民思

秋夜感懷

溽露沾漉莽華月流高曼唵肅嘉此夜撫化悲蕭辰
蕭辰何所悲遊子多苦辛道峻壯力謝業逞昌志湮玄
鬚日以變豐景將遂淪堪與一大宅羲娥為旅人舟

木互榮落蛩蟀何吟呻氣隨稚耄變理勝血喜均反
性樂天爵測化葆道真撫卷慨徃哲芳猷難親

雪磯詩集一卷終

雪磯叢彙卷之二

宋寶祐癸丑特科狀元樂雷發

撰

後嗣教諭樂韶

編集

知縣樂武

校正

律詩

寄雪蓬姚史君

相鱗六六寄相思
疎柳新蟬想別時
今夜各聽三楚馬
秋風又老一年詩
梅花且補離騷闕
蕙苴應爲史筆知
剪竹疑峯新製笛
待衝霜月訪桓伊
○史君時寓衡陽

謂山齋先生易尚書

淳熙人物到嘉熙，聽說山齋亦白髭。
文字盡傳融水後，精神如戰辟雍時。
靈椿終不爭朝菌，著草惟堪養壽龜。
細嚼梅花看總義，只應姬老是相知。

送桂帥鍾尚書赴召

老依牙蠹撚吟髭，又折梅花話別思。
五嶺不遮鸞鳳詔，四方俱誦鱗魴詩。
人才真魏凋零後，國事江淮倥傯時。
賴有老臣經濟在，快呼桂醕餞篙師。

題鍾尚書北征詩稿

野雉江鷗滿故都，秋風禾黍撚吟鬚。
六千里外驅旃旆，五十篇中見版圖。
金鉉尚期扶日御，玉衡終合正天衢。

書生亦有中原志，那得君王丈二笏。

呈廣西張提刑

陸續城邊按部歸，梅花隨處撲征騑。
溪山有助吟題遍，獄市無冤訟牒稀。
竹屋聽猿眠碎月，莎庭引鶴步斜暉。
莫嫌瘴霧侵湘客，滿路風霜冷皂衣。

罪言

愁殺瀟濱蟣虱臣，亂山斜照獨含情。
人材不似深衣古，國勢何如楮幣輕。
石燕未蘇湘國旱，木牛那濟蜀州兵。
幸無杜老流離苦，切莫吟詩到北征。

閒居自遣

雨漬桑樞長昔邪誰能載酒訪楊家漢庭用少臣今老
魯俗皆冠我獨髮憂國苦無蠲忿草看書喜對決明花
衰頹懶作江湖夢擬斲三桮養鬢華

又

許由溪上小屠蘇紅樹蒼山對一羅白髮功名惟劍在
青灯活計併錐無誰言荆楚多奇士却笑乾坤一腐儒
桐帽貂冠俱有分寄言兒輩莫椰榆

寄樓居朱漕

住近江心古寺邊幅巾應伴浙僧閒官衙自管金陵觀
冠業多依鴈蕩山出處要留青史看功名且逐白雲還

殷勤爲祝樓居月好照橫舟漱碧灣

呈姚雪蓬史君

祝融應自勝崆峒且讀通書辯聖功事可語人甘受謗
詩能名世不嫌窮春邊採藥收湘芷月下調絃送楚鴻
賴有行人碑尚在棠陰依舊戀東風

雪蓬見示送趙東巖巡部詩

皇華歌徹酒杯忙濟畔騷翁送范滂琴帶衡雲絃索閨
馬食湘菹轡絲香山中狸豹隨吟旆部內豺狼入按章
却笑詩寒吟骨聳愁看訓唱挾風霜

書蕭千岳集

向來陽陸共崢嶸吟到停雲趣轉精古似洞庭張雅樂
嚴如即墨欽殘食茵陳終不肥方朔菜苜何堪病冉耕
細讀殘編搔白首未應造物忌詩名

滕王閣下賦

越柳蜀艇亂相偃風飽千颿帶雨開閣上鳴鸞今已往
江頭飛鷺只堪哀柳汀絮滿河豚賤桃塢花殘石首來
應接溪山吾不暇自憐白髮欠詩材

宿金灘

瀧吏崖翁是賞音江流泯泯對秋吟天蝦撲火帆檣晚
水狗捎魚島嶼深千里庭闈雲滿眼十年湖海馬驚心

今宵客枕清如水稱讀西山夜氣箴

寄許介之

惹得詩名徧九州酒徒棊伴半公侯離騷甘隱魚鱗屋
樂府多傳鷓鴣樓醉葉幾窠菽菊徑蠹荷三畝護漁舟
中原應有棲蘭國空鎖吳鉤到白頭

聞邊報寄姚雪蓬

淮烽蜀燧照邊隅白髮憂時我腐儒楚客汀洲搴柱若
齊王沮澤索苾胡耽吟自愛南游好久謫曾謀百事無
擬對祝融捫蝨話何時重將使君鬚

寄戴石屏

會到元郎吟處吟雪蓬烟艇欠相尋鳳鳴道國空詩句
鴈到衡峰只信音拾橡祠邊寒聽雨紉蘭院裏夜分衾
寒驢倘遂黃花約鴉背敲烟共掘參○時石屏訪雪蓬

于衡陽

戊戌冬僕客桂林雪中趙叔愚司理書張思業
逢賈島絕句爲寄今冬對雪感而有作

朔風桂水浸瓊沙曾共騷翁理釣槎對酒又吟端木葉
論詩還憶欵冬花飢能驅我瓶儲罄老不饒人鏡影華
擬喚扁舟尋剡叟嶺梅瀟菊各天涯

寄仙巢先生鍾尚書

吹香亭上送飛鴻且把行藏寄蜀桐老境只須尋遠志
世途還要避沙虫公於天地初何憾道在丘園固未窮
曾是轅門投卷客應憐聽雪卧菘菘

寄蕭太山兄弟

梅花好處共心期會擷天葩寄夢思兄弟自爲千古計
江湖方誦二蕭詩貪泉定喜逢廉吏倭國何應拜老師
○蕭穎士事○騰擬尋君攀桂樹路遙誰肯借驢騎

蕭君見予育梅花且補離騷闕之句爲之擊節雖
未相識蒙書二十首爲寄故首句及之

送丁少卿自桂師移鎮西蜀

瓊海收兵玉帳閑又移齋艦泝涪灣三邊形勢全憑蜀
四路封疆半是山魏將舊聞侵劔閣漢兵今欲卷函關
○時會有三京之役○細傾瑞露論西事想在元戎指
畫間

訾家洲

竹塢松灣遍履痕斷碑無首野苔昏江山應識前賢事
裴柳今存幾世孫島霧海霞番古意春猿秋鶴冷騷魂
何人會得登臨意閑嚼梅花伴酒樽

慈氏閣

崢嶸梵閣礙銀潢且對畦衣問馬王落日斷霞連楚粵

缺鍾壞像雜梁唐英豪已往雄圖歇棟宇猶存古意荒
惆悵石湖題柱在倚欄無句獨淒涼

雉山寺宋永初中有僧西顛誦法華經於此白
雉聽之而化至唐黃梅五祖弟子喜登告祖乞
巡禮五祖應以遇雉即止後至此開山本朝王
初寮有留題

蘚碑蘿石擁嵒岨獨倚筇枝問大乘白雉苦無千歲種
青山空識六朝僧詩傳北岳刊新帖禪接西淮冷舊灯
擬鑿氷泓澆凍硯禊亭閒借法華膳

擬遊長沙至零陵忽動歸興

擬尋禹栢過長沙
且泊愚溪問酒家
歲早可能飛石燕
秋高還看落天蝦
乾坤納納催霜鬢
岐路悠悠又菊花
惆悵草黃驥病歸
心依舊遠烟霞

袁家渴泊舟

往事誰能問水濱
停撓仍是薄西曛
焦漁空自存袁姓
鳧鴈何應識柳文
釣艇分燈歸客艇
嶺雲拖雨接溪雲
梗楠蘭芷今何在
空使行人誤舊聞

小樣袁家窰竹店買酒

江遶衙門接旅津
鯉魚風歇水粼粼
湘醪三盞澆吟思
瀟碧千竿對老身
題壁未能行客醉
典琴不用主人貧

隔江誰掉高名麗
滿載鷓鴣捉錦鱗

餞雲壑唐使者赴邕州

息勞竹畔擁雙旌
回首江籬隔楚汀
曾向前賢參學問
且教遠俗識儀刑
安南兵息塞烽冷
羅殿馬來蠻草青
悵望鈴齋何處是
遙瞻朱雀認詩星

歸侍

石田茅屋野苔春
喜對庭闈語苦辛
客路本無如意事
瘴鄉難有却回身
且尋農耒耕湘雨
待看天戈洗韞塵
門外黃旗邊餉急
可堪杯酒各傷神

寄吳茂遠

蘇公堤畔繫吟驢
知在垂楊第幾株
學校文章如畫
餅朝廷官爵似呼盧
春吟應欠梅花在
時事曾言楮幣無
惆悵湘湄分袂處
今看細雨長蘼蕪

送史主簿之鄂渚就辟

囊中秋卷逼唐賢
門外候芭問太玄
才大豈堪栖枳棘
官清應只友蘭荃
湘行又泛君山月
淮績曾衝赤壁煙
擬借從君新句看
試尋黃帽寄網船

又

宦途捷徑在三邊
且駐吟舡贈馬鞭
壯士苦無橫草志
將軍還用撒花錢
韃兵猶未回燕鴨
蜀耗何應闕

杜鵑今日送君無
別話看隨卻穀沈
狼烟

送邵瓜坡試湖南漕舉

槐花匝路促湘行
閩賦唐詩舊擅聲
有志尚曾言國事
論心何止在科名
畢方夜燔杭都火
大角秋纏蜀道兵
莫作腐儒塲屋話
琅玕滿腹正須呈

送李公浴蓮臨武

嶺梅瀟菊兩開情
歲晚江湖載酒行
客路欲依嚴挺子
漳鄉已老少游兄
瓦盆且話田家事
肉食誰通鈍漢名
惆悵張亭畔路
雪鞭風帽又東征

贈江華尉熊伯巖

堂萱營柳伴吟哦黃綬仙翁髮未皤對客不矜名第貴
論心惟在簡編多江頭魴鯉香晨膳境內鷓鴣冷夜
窠湘國詩盟今寂寞衰頽猶喜識陰何。謂陰整何
遜也

江華送熊清父遊廣州時予亦有衡陽之役
邂逅陽華且酒壺海鷗衡鴈各征途閑身俱被飢寒役
老境還看離別無鄉夢定應思款段客吟何用說媿偶
曾從仙叟參玄訣好訪安期採洞蒲

喜李景魏就熊巖伯縣尉招

長歌白石草廬深今抱園絲就賞音温飽不爲兒輩計

行藏端見古人心鱸魚堂上春開帳鷓鴣灘前夜對
衾擬掛奚囊梅下聽謫仙應共隱仙吟

送友人之辰州觀省

路鶯巢畔瘴雲低山徑如梯去馬遲正則自吟皇樹
頌廣微惟誦白華詩春風採藥桃花國落日尋碑蕙
苾祠覓得丹砂能寄否溪亭送客鬢毛衰

雪礮叢彙卷之三

宋寶祐癸丑特科狀元樂雷發

撰

後嗣教諭樂韶

編集

知縣樂武

校正

律詩

謁李梅亭

力援鯨牙氣貫虹
玉堂歸只守文窮
世無真魏扶吾道
人以乾淳望此翁
大地精靈浮筆下
國家命脉寄山中
縕袍羸駟崇仁路
正擬登門聽擊蒙

代送徐侍郎赴召

大厦誰堪任棟梁
試留齋艦問行藏
朝廷議論如春雨
吳蜀人材似夕陽
三漸向曾投致劑
五寒今望起膏肓
擬看相業磨崖在
却到涪溪話別觴

聽友人談蜀道事

石棧天梯蕩戰塵
誰驅哨馬滿峨岷
及看烏犬為君
子○元次山世化篇○誰問沙虫化
小人韃智豈應
強兀木蜀材正自欠
吳璘細吟猛虎長蛇句
空對西風
泪滿巾

送廣州劉叔冶倅欽州兼守事

天涯亭畔擁提屏
丹荔黃蕉滿去程
皂蓋却迎新刺

駕碧幢
應憶老先生
象蹄印
兩歸蠻國鯨鬣掀
潮撼海城
曾是鄉賢分守處
試尋醉石共題名
○余靖韶州人
曾守欽

逢熊季可

暮雲春樹飽相思
今共秋風捋白髭
北闕未知鸚鵡賦
南州空誦鷓鴣詩
旗亭尚喜髡能飲
客路誰知朔獨飢
賴有湘翁生計在
且吟九辨擷江籬

送李煥云赴恭城主簿

恭城山水接三湘
應覺他鄉似故鄉
官况不妨棲枳棘
客程還見食檳榔
寒暄未定宜加愛
事業無窮要

自強千古忠冤如可問試吟雛井漱吟腸

寄李伯輝

石樓峯下寄吟身靜掩桑樞琢楚珍頽草青莎招隱
士暮雲春樹憶詩人門無車馬多嫌僻家有圖書不
似貧擬借大鵬指老眼何時樽酒得相親

舜祠送桂林友人

堯山分首舜山逢呼酒樓亭兩鬢蓬客思且須論契
濶詩交應不計窮通兒曹富貴秋煙外前輩風流落葉
中明日吟船又何處渡江衣冷荻秋風

送董炎震歸攸縣

千菊溪頭話別情君行我住兩伶俜山中有酒招元亮
石上無禾養百齡狼尾屋低蒼漠漠龍鬚菜長水冷
○攸縣有龍鬚菜○故鄉語熟應堪聽莫放扁舟過洞
庭

贈衡山候霖

家住衡山茗塢深軒轅道士是知音
家尊好酒聊同醉石不詩難莫浪吟
兩外虺隤寒食路花邊格磔故鄉心
却憐世上楊雄少腸斷候芭何處尋

送駱起謁襄帥廣西憲

知君無地種江籬看了衡山看九疑
客路不堪還話別

侯門何處可題詩
吟青羅帶行離岸
唱白銅鑿過習池
呼酒試澆征馬足
繡臺油幕有相知

題豫章宋德父遊湘詩卷

醉呼仙叟共浮湘
桐載風烟滿錦囊
石是浦雲山雨
起詩連沅芷
澧蘭香好吟秋月
招元結莫賦朝雲
楚
襄英巨老仙
今寂寞行人還
解識珩璜
○德父到春陵
郎有詩弔曾景建

常寧道中懷許介之

雨過池塘路未乾
人家桑柘帶春寒
野巫豎石爲神像
稚子搓泥作藥丸
柳下兩姝爭餉路
花邊一犬吠征鞍

瀟溪書院弔曾景建

太極榜頭霽月寒
斷絃絃絳不堪彈
窓前自長瀟溪草
澤畔還枯正則蘭
蒼野驪魂惟我弔
烏臺詩案倩誰刊
傷心空有金陵集
留 江湖洒淚看

許介之以丞相周益公所爲書古府四篇見寄
敬題其後

紙上珊瑚間木難
曾敲黃閣卸吟鞍
賞音今有子園否
得句堪尋嶠嶺刊
鸚鵡夜棲金屋冷
的盧秒戰玉關寒
春風歸鴈那知已
寄與深宮絕塞看
讀繫年錄紹興八年以後事

婁敬金縉滿去軸便看雷雨潤
嗷嗷諸賢自抗排雲議
宰相方深偃月謀
湘國乍聞悲臆鳥
抹陵遠唱聽符鳩
九原晏老今知否
搔首青編恨未休

揅攔吳大帝廟

赤壁濡須事已虛
且依揅攔酌芳壺
九原尚擬吞銅雀
千載今惟記赤烏
湘浦有人脩舊祀
荊州無地展雄圖
定知斫斧英靈在
閑對祠前洗湛盧

昭陵渡馬伏波廟

功名要結後人知
馬革何妨死髮屍
漢帝可能疑薏苡
湘民却解薦江蘼
帝錢撩亂巫分豚
粉壁闌斑客寫詩

行吟不得東溪聽
借硯村廬自寫看

題許介之譽文堂端平丙申桂林伯尚書鍾
公以遺逸薦東溪先生許侯子朝越明年得
旨補初品官衡州戶曹掾其誥詞於始則有夙
有譽處且嫻文辭之褒於終則有其以行義
教子鄉里之勉州里人士莫不榮之又明年
許侯乃於東溪之濱荆堂五間以爲講道著書
之地仍摘天語舉文二字以張其名敬上賜也
堂成山齋先生為之記者詳矣當世之名卿才
大夫又為之賦詠有衆矣願俟晚生小子何足

言詩辱徵佳作不敢固以陋辭敬書二首以記
盛事併叙

聖天子始終褒勉之意庶得附姓名于不朽云
曾佐元戎洗綠林此翁何止擅詩聲又辭驃騎尋瓢飲
誰引鳴騶聒耦耕厚禮正羅溫處士浮名還汗陟先生
衡茅那識絲綸美尚擬升堂結社盟

又

姜夔劉過竟何為空向江湖老布衣造物忌名從右有
詩人得位似君稀聖朝自要求參木吾道何應賤蕨薇
晚節黃花須愛護且教湘士揖芳菲

墮水沾鳶無處問灘頭斜照曬驢鷲

訪蕭太山父子

仙桂靈椿各典刑飄七姿韻激天鯨家傳八葉鹽梅
種詩接三蘇父子名四海及將看繇譜一堂那許與文
盟塵埃不敢相親炙且汲渝溪濯客纓

謁張兵部時守臨江新陳湖南倉

東皇太一待新詩共喜星槎泝楚涯父老及將一轡
驚使臣應不問狐狸江頭芳杜催行色境內甘棠有去
思細讀詔書搔短髮瓣香那識帝王師

蘇塋中先往新淦過新喻訪之不過賦詩為寄

玉笥山前水拍空，知君何處繫吟蓬。敢輕奇士題凡鳥，謾有憂心訝阜螽。沅芷澧蘭猶可寄，江雲渭樹苦難同。門前草木皆詩燹，獨倚簷簷噴曉風。

送蕭大山赴新興令

翡翠芙蓉去路荒，許溥詩裏認封疆。昔聞古佛傳宗旨，今得吟仙縮縣章。魚婢蠅奴供俎豆，馬人龍戶雜耕桑。澹翁應解知心事，試汲寒泉薦瓣香。

訪菊花山人沈莊可

網及珊瑚尺採珠，只餐秋菊養詩臞。求嘉同社聲名在，乾道遺民行輩孤。我恨朱門無食客，君言青史有

窮儒飢寒正用白吾道，且對鈴罔共燃鬚。

懷二蕭

未曾相見已相知，楚粵江山棣萼詩。每恨乾坤催我老，却於湖海識君遲。機雲才藻今無幾，管鮑襟期說向誰。靡靡亂山嘶瘦馬，碧雲日暮正相思。

踈拙

越冠齊瑟事皆非，踈拙唯耳與世違。客路鶯花愁裏看，故山煙雨夢中歸。采薇有儻淮南靜，彩粟無謀浙右餽。納納乾坤須俊傑，湘翁祇合製荷衣。

陳東甫酒間舉作歸心，只有杜鵑知之句猶未。

到衡岳呈第山長

聞依禹栢繫征駮
棲鳥應猶怪賤蹤
正擬開雲訪薛兪
可能避雨識茅容
朱陵洞裏秋呼鶴
紫蓋峯前曉聽鐘
欲踏青霞尋勝趣
倦遊應許借吟筇

許介之館僕于東溪發贈別

洗耳泉頭漱晚涼
西風衣袂水花香
酒邊豪氣橫荆楚
燈下清談雜晉唐
天地每窮真俊傑
山林偏有好文章
試拈茹草同君舞
後夜聞鷄月滿床

下第歸後李伯輝李景魏索近詩

吟遍吳頭楚尾春
多慙才客問征塵
振衣天目尋黃獨

濯足湘江詠白蘋
宋五已慚稱進士
陳三何用作詩人
錦囊元屬君家有
今買漁經理釣綸

題李湛漢詩集後

楚砧岷葛飽清遊
金鄖銀菟照幾州
詩句多如姚少監
行程還似杜參謀
黃陵夜誦虞妃泣
白帝春吟杜宇愁
擬問湛溪何處是
夢隨閩國弄漁舟

贈李伯輝家譜詩

盜寇將軍後唐朝
李邵家綠華雙薦者
况復古今證

雪礫叢書卷之四

宋寶祐癸丑特科狀元樂雷發

撰

後嗣教諭樂韶

編集

知縣樂武

校正

七言絕句

詠史六首

高祖

逝驢走鹿各消磨
劔外功臣剩幾多
四皓兩生元不聽
故鄉枉費大風歌

陳勝吳廣

假號偷名只可憐
枉拋錢鏹弄文鋌
隴頭燕雀應相笑
鴻鵠元來是項燕

韓信

愁看鍾室劈良弓
何不當時殺蒯通
今日真王成底事
只應娥姁是英雄

東方朔

蜥蜴盆邊解滑稽
且分社肉飽蛾眉
劉郎最怕秋風冷
那聽君言換殿帷

司馬相如

狗監無端薦薄情
鸚裘犢鼻帝鄉塵
當時最有文君恨
不識長門買賦人

班固

請室冤魂叫不聞
神丘隆碣謾遺文
平生詞藻誰知己
腐鼠孤雛却誤君

沐堤柳

萬縷春風宰沐堤
錦颿何處柳空垂
流鶯應有兒孫在
問著隋朝總不知

讀李群玉集

光順門前繫馬吟
弘文館裏翠雲春
却憐白首河西尉
枉作蓬萊獻賦人

又
捐袂江頭弄釣舟
蘭花杜若滿芳洲
如何才子無騷思
只詠薔薇與石榴

與復古叔讀橫渠正蒙書

惆悵枯株與晬盤
雲橫太白夢魂寒
半生驕吝如蝸縮
自把西銘反復看

又

誰搖驪山起老師
竹林灯火共心期
年來後學輕前輩
看徹羣龍講時

題楊從行湘詩卷
楊即誠齋

仙雲寒鎖碧瑤天
突兀吟壇北斗邊
試問鳳凰誰得髓
竹林聽雪對床眠

又

叫雲吹玉舜祠邊
醉嚼瓊糜漱石泉
舊讀離騷今忘却
快披秋卷嗅蘭茝

次韻熊雲瀑秋夜見寄

吟落秋牕燭地紅
想彈九辨入絳桐
荃蘅豈不如葵菽
誰繼幽風補楚風

無題

大裾褒衣走浙淮
何人不識鶴山來
只今心印誰傳

得自捐通書撥篆灰

撫州偶題

金泥亭遣柳拂城春風繫馬酒家吟塵埃滿面無人
識却得黃鸝作賞音

萍鄉病渴

犬子無從典驕驢荒村忍渴望瀟湘楚王萍實甜如蜜
不許詩人取次嘗

甲午社日客桂林

卮酒豚蹄客裏歡石尤風緊泉衣單東陽病骨如鷓
鴒畏怯南州社日寒

桂林歲晚憶鍾尚書

塵滿湘翁薜荔衣江湖歲晚鬢成絲桂州楊五今何
處雪片梅花枉費詩

醉中偶成

醉敲茶臼嘯秋煙苦欠高陽買酒錢擬入亂山猿栢
葉石床閑對麝香眠

送友人遊昭州呈陳謙之僉判

閩仙去補荔支譜梅谷歸呈飛鷺秋惟有瓜瓞共君
在馬蹄何苦又昭州

又

道鄉羣首袞龍衣
謫墮天涯詠楚籬
莫收蹇驢遊別處
拾青閣下有殘碑

又

鵬運堂前話別愁
治齋三度楚江秋
近懷莫向元龍道
問舍求田是轉頭

夏日偶書

螺贏啣虫入破牕
枕書一椀竹方床
家童偶見鞦韆字
誤認離騷是藥方

秋日行村路

兒童萬落帶斜陽
豆莢薑芽社內香
一路稻花誰是主

紅蜻蜓伴綠螳螂

新淦偶成

飛飛綠鳳掛梅梢
猶記來時雪擁袍
今日歸舟新淦路
頭稚子賣櫻桃

贈吳季詩

燕子樓頭一曲春
曾騎驕馬擲黃金
如今世爭漫頭雪
破屋孤燈忍凍吟

演教寺弔樓居朱漕

羅帶江頭蛻繡衣
人歸香草謝家池
秣今三樹埋何處
惆悵僧房認得詩

又
穿塚難酹地下知
逢人多說項斯詩
今朝痛洒西州淚
萬里梅花欲放時

延真道院

滄流翠竹接仙窟
霧菜卅虬拱上真
擬就分玄翁分半榻
閑聽秋兩守直申

訪趙愚齋不遇謁者云入幕抵晚方歸因成一

絕寄奉

雪片梅花滿硯池
芙蓉幕裏客歸遲
今朝解了公家事
儘聽轅門報酉時
○愚齋舊有詩云無曹度日真堪愧

又聽轅門報酉時

史主簿以授庵習彙見示敬題其後併寄張

宗瑞

姜夔荒塚白蘋深
鸞鴛無聲結綠沉
擬向酃陽尋後社
只招張寥聽君吟

又

吟了南樓到庫樓
塞雲邊日困雕鏤
只今南北無詩禁
曾有新編過韃不

術士醴陵丁嘉營新之春陵有贈

看及槐花買
人從尊且認舊碑文
只今世上無清惠

却恐元郎解

君

又

涿水池邊舊釣磯
何時歸去濯征衣
千年城郭應無恙
祇怕風塵老令威

送歐陽平仲起巒林教官

快把詩書洗瘴疴
雕題墨齒及同胞
天涯那得隨衿佩
試借叔堂講義抄

又

古來郎婦比忠臣
悵悵明珠一窖塵
千古綱常君記取
題詩煩問墜樓人

卿和王堯章韻

征衲無人補舊綿
蕭條客枕楚萍邊
撥殘石炭西窓冷
却憶山家榼袖烟

趙司法詩集自題近道
蓋取工部所貽元隱
詩中語也

道書二絕

和遍陶翁飲酒詩
醉籠天地入鳩夷
細看官爵成何物
肯帶奚囊過九疑

又

浣花騷伯杏
世上寧無元隱居
讀罷君詩三嘆息

斷絃綠綺定可知

聽廬山胡道士彈離騷

廬山道士菊潭仙
前世滄涼握楚琴
莫道離騷遺響絕
孤鈞寡珥尚能傳

又

弔湘誰解薦江萬
忠憤冷冷馬七絲
愁絕九疑山下
聽重華應許就陳詞

題王堯章竹香亭

滿池蜀錦照深衣
及日憑欄課楚詞
要識此花香絕
處露涼風細雨晴時

又

對花味道與何長
好學顏家到坐忘
莫與紅塵兒輩道
心清正自得真香

又

故園荷屋傍瀟瀟
苦愛蓮花入夢思
今日題詩還自笑
江湖塵土鬢成絲

題昭州田廷亮書棠後

榴榔口裏吐參苓
折檻無門九虎深
家在道鄉亭畔住
定應千古有知音

又

少海無波鶴禁虛滿朝閉口養曹蜍白袍烏帽和寧外
却有山人請建儲

次韻熊雲瀑秋夜見寄

叫徹蒼梧望八荒暮雲秋客各淒涼此情未許傍人會
愁絕中庭月一方

雪磯詩集卷之四終

雪磯叢彙卷之五

宋寶祐癸丑特科狀元樂雷發

撰

後嗣教諭樂韶

編集

知縣樂武

校正

五言律詩

訪伯父幽居

對坐如禪舍閑燒石乳香書看新講義藥問未傳方僕
語梅花裏僧經竹案傍題詩吾並敢認戶半吟章

林桂懷李景魏

陽華萬疊雲無計得相尋所學皆時好何人知尔心莎

城百粵遠雪嶠一翁吟已是懷人極天寒祭水深

桂林送人之瓊州招捕海寇

訾家洲畔路別尔苦匆匆說戰令人喜耽吟與我同旌
旗颯鬼雨舟楫鸞障風想到瓊峯頂題詩更記功

與李盤翁知縣登七星山弔石道士

疊嶂轟空青鮓竒共一尋苔荒碑意古茗苦道情深有
興梯蒼壁無才詠玉簪吟仙何處去我輩復登臨

次韻史主簿兩夜見寄

水長許由溪春寒入竹扉幾人听夜雨惟我怯單衣樹
鏤青燈耿籬根白箇肥明朝有忙事推枕問漁磯

道中途老儒由蜀出

丙穴魚蕉好曾經問釣砭干戈今未定城郭是耶非
詩杜尊黃髮侯門薄布衣乾坤豺虎滿見尔一欽歎

時事

時事如顏屋誰堪任棟梁國貧僧牒賤邊病檄書忙
有分憂宗社無才出舉場未應王謝輩揮淚送斜陽

逃戶

租帖名猶在何人納稅錢燒侵無主墓地占沒官田邊
國干戈滿蠻州瘴癘偏不知携老稚何處就豐年

登江華英亭

到此脚跟酸千峯迥不看年深碑空淺日薄樹陰寒石
罅巢蜂乳籬根墮鳥殘愛吟還畏嶮不敢倚欄干

訪表叔李竹齋

門庭接豆根吟避市塵喧每愛詩無敵應知學有源雲
山供俎豆筆硯長兒孫愧我相過數秋風酒一樽

擬長沙訪姚雪蓬至求而返賦此為寄

今傍南軒住應知理趣精通書多似易論語不言誠擬
欲聽微論猶能慰別情江湖風浪隔腸斷楚鴻聲

兩夜讀陸放翁集

爐冷重吹火山房夜黯然濕薪添爇熱茗帶芎煎灯

暗瀟江雨詩吟笠澤烟老仙何處去搔首弔塵編

送黃天河

天河那可到山頂翠參差村屋煎黃蠟官爐照荔枝
地蠻遊宦少縣小迂賓逢鼻祖曾吟處荒苔想滿碑

呈趙叔愚司理

門戶垂楊句江湖半世看不應求五嶺却自建孤壇浙
社朋遊及唐詩氣詠寒今朝流水譜只何子期彈

夢訪劉漫塘曾雪巢二先生

前輩風流歇江湖尺貫音向期行古道誰解識余心月
浸金壇冷雲歸玉笥深瀟湘風雨夜空得夢相尋

青湘逢廷對人歸因問時事

南客帝鄉歸青袍照綠氍毹問知當世事解誦聖君詩淮
濁軍書急湘深邸報遲空傳廷試策帝布說邊陲

南林寺

律院僧應俗庭荒草木刪無碑堪考古有客自看山竹
好惟嫌密雲多不自閑小溪知最近童俗夜方還

象石銘有序

九疑之麓爲麗山有岩明通厥石如象予遊而愛之
遂命之銘而銘曰

百獸出王象實孔偉有崩斯石惟象是似巔上其

形巉岨其齒我愛斯岩原象之美鍾奇曰南邈爾荒
齊服兮帝車維天子使相彼岳阿濟上多士邇教篤
學峻饗實地任重致遠伊國之喆地以人彰敢銘岩趾

乙未冬日收此明時活字舊本 黃裳



雪磯叢藁跋

愚聞之太上立德其次立功其次立言是謂不朽夫
德蘊諸身心功成于事業言見於著述有內外相須
體用合一之道焉今岐而言之豈有修諸身不見諸事
施于事不諸見言者乎要之人各有長而兼及為難
其有得乎是者誠君子之異于人能不朽而存者也
足以語此者其唯我鼻祖雪磯先生乎先生生于有
宋叔季方五星聚奎開一代文明之運也當時科目
得人若呂蒙正之雅量王曾之持正韓琦范仲淹之誥
畧司馬光蘇軾
直文天祥之節義曰德曰功曰

言表表著于

吳以殫述先生與諸公相後先

穎悟警敏博極群書居家以孝友見稱蒞官以忠義自許不爲末世流俗所搖奪醞藉甚富所得誠深矣寶祐元年朝廷設科取士先生廷對萬餘言條答疏暢深切時弊登進士第一官授翰林職司敷文特元兵大起西北多虞公嘗爲烏歌車攻賊勵志發憤折衝禦侮值時相當權昏庸猥懦竟不能用遂使大志莫酬可慨也已丙辰以病告歸繼罹憂制遂不起復閑居以詩文自遣安其旨趣幽深玄遠溫雅和平而其英邁之氣正大之情徃徃見于言表其所抱

負雖不獲少試而經綸康濟之術亦自可見先生之功德與言可謂並茂矣舊遺叢稿一帙歲久漸以敝訛愚恐格言至論將湮滅無傳重不仁孝之罪也公暇重加訂正期以傳之無窮庶乎公之立言由茲不朽而其思見公之功德者一展卷如在目中將不與呂王韓范司馬蘇文諸公後先媲美矣乎謹因錄成而遂言之如此

廣化十七年龍集庚寅賜進士出身戶部主事嗣孫樂宣頻言書

樂聲遠集宋刻文湮正統時其後商名
韻者編次純粹周洪模為序衍之第正
統本亦不可得故諸家書目多以鈔本著
錄玉近世石門顧脩及刻入群賢小集中
其所從出即新所編集也此活字排可
本半葉十行二十二字字體亦為精整排
版亦粗率字之模形與蘇縻城集相似

雖未知所於何時然出於正統以後則可知
也以顧氏清澗之篇題於存皆合情於本
偶有差~~誤~~搯此可~~以~~平之矣紫霞洞歌一呼
開仙局仙不誤先贈巨華尉然仙巖之脫尉
字渴本梅真詩大地精靈厚筆下不缺
浮字若詳勘終卷佳勝皆不期也此活字
本雖不精然極罕觀~~正統~~本既不可見

得此本太良呈珍矣卷首鈔有明善堂
夏生有以此作
安樂堂~~之印~~是必出於怡府也

辛巳十二月初五日

傅煥湘識

